



梵語羯磨華言作法謂比丘有罪各共面對秉法  
自首其罪也一治罪羯磨謂比丘有犯戒者大眾  
作法治定其罪是名治罪羯磨也二成善羯磨謂  
比丘有犯戒罪許容對眾首露其罪得滅成就善  
根是名成善羯磨也

二殊勝

出楞嚴經

此言觀音菩薩極證圓通十方普應上同諸佛下  
合羣生妙用超越故云殊勝一上合諸佛本覺妙  
心本覺妙心即諸佛本然覺了妙明真心也謂善

薩極證寂滅十方圓明體同諸佛故能起同體大  
慈與衆生樂顯應十方現身說法聖凡等度有願  
必從是爲殊勝二下合衆生同一悲仰謂菩薩所  
證圓通之理與衆生本有之心迷悟雖殊體元不  
二故能起同體大悲拔衆生苦冥應十方等施無  
畏設有所求隨願滿足是爲殊勝

二花

出華嚴  
經疏

一草木花謂凡草木之花皆有開敷結實之義以  
喻萬行之因則有成就佛果之能故名草木花二

嚴身花謂世間金玉等花皆能嚴飾其身以喻神  
通相好則能莊嚴法身故名嚴身花

二種菩薩

出大智  
度論

論云菩薩常好中道捨離二邊故不生邊國又於  
中國不生邪見家又問曰是菩薩大福德智慧力  
應生邊地邪見家而教化之何以畏而不生答曰  
菩薩有二種二邊者有一成就大力菩薩論云此  
無二邊也  
菩薩爲衆生故隨所應度隨處受用不避邊地及  
邪見家是名成就大力菩薩二新發意菩薩論云

此菩薩初發心故。若生邊地及邪見家。既不能度人。又自敗壞善根。譬如真金在泥。終不變壞。若是銅鐵在泥。則壞。是故新發意菩薩。不生邊地及邪見家。真金喻大力菩薩。銅鐵喻新發意菩薩。

二木出法華經文句

一大樹。大樹喻別教菩薩也。謂此教菩薩於法華會上聞說一乘之法。受記作佛。普度一切衆生。如彼大樹。蒙一雨所潤。而得增長。敷榮鬱茂。則能普覆一切。是名大樹。二小樹。小樹喻通教菩薩也。謂

此教菩薩亦於法華會上聞說一乘之法。受記作佛。而不及別教菩薩根器之大。化用之廣。是名小樹。

二種獨覺出析記

大論云。獨覺出無佛世。觀外因緣。無師自悟。故名獨覺。觀外因緣者。謂觀外物之一部行。部即部類。凋零覺內心之生滅也。謂此獨覺稍有爲人之心。如鹿行走而能回顧。後羣故名部行。二麟喻。謂此獨覺但欲自度。畧無爲人之心。譬如麒麟唯有一角。故名麟喻。

二藏出莊嚴經論

藏即含藏之義。謂佛說大小乘諸經各各含藏一切文理故名藏也。一聲聞藏。聞佛聲教故曰聲聞。謂佛說阿含等經。含藏小乘聲聞等修因證果之法。是名聲聞藏。梵語阿含華言無比法。二菩薩藏。菩薩梵語具云菩提薩埵。華言覺有情。謂佛說華嚴法等經。含藏大乘菩薩修因證果之法。是名菩薩藏。

二乘出華嚴經疏

一臨門三車。臨門三車喻小乘權教也。謂法華經

譬喻品中三乘之人。於火宅門外索羊鹿牛三車。求出火宅。以喻三乘之人。依四諦十二因緣六度

等法修行。得出生死。是名臨門三車。三乘者聲聞乘緣覺乘菩薩

薩乘也。四諦者苦諦集諦滅諦道諦也。十二因緣者一無明二行三識四名色五六入六觸七受八愛九取十有十一生十二老死也。六度者一布施二持戒三忍辱四精進五禪定六智慧也。一布二

露地牛車。露地牛車喻大乘實教也。謂法華經譬喻品中諸子既出火宅。到於四衢道中。露地而坐。

等賜大白牛車。同歸秘密理藏。是名露地牛車。

二乘出天台四教儀集註

乘即運載之義。謂二乘之人。乘四諦十二因緣之

法。運出三界生死。至涅槃。故名爲乘。

四諦者。苦諦。集諦。滅諦。道諦。

諦也。十二因緣者。一無明。二行。三識。四名色。五六

入。六觸。七受。八愛。九取。十有。十一生。十二老死也。

梵語涅槃。一聲聞乘。聞佛聲教。故曰聲聞。謂此人

華言滅度。以四諦爲乘。知苦斷集。慕滅修道。由觀四諦。出離

生死。至于涅槃。故名聲聞乘。二緣覺乘。因觀十二

因緣。覺悟真空之理。名曰緣覺。謂此人以十二因

緣爲乘。由觀因緣。生滅。即悟非生非滅。出離生死。

至於涅槃。故名緣覺乘。

二果二義

出析  
玄記

二果。即斯陀含。華言一往來。而有二義焉。一一往

天上。謂第二果人。猶有欲界下三品惑。共潤一往

來身。若於人中得第二果。則一往天上。一來人間。

便證第三果。是名一往天上。二一往人間。謂第一

果人。若在天中得第二果。則一往人間。一來天上。

便證第三果。是名一往人間。

初果二義

出析  
玄記

初果。即須陀洹。華言預流。又云逆流。故有二義焉。

一預流預入也。流即流類。謂此聖人得證初果。是入聖之流類。故名預流。二逆流。謂初果聖人背逆生死之流類。故名逆流。

二宗

出翻譯名義

一龍樹提婆宗。龍樹即南天竺國大名德比丘也。作大莊嚴大智度等論。號法性宗。明一切衆生皆有佛性。一闡提等皆當作佛。梵語提婆華言天。即龍樹弟子。稟承其道。傳流于世。是爲龍樹提婆宗。  
梵語一闡提華言信不具 二無著天親宗。翻譯名義引三藏傳

云無著夜昇觀史天宮。於慈氏菩薩所受。瑜伽師地等論。專弘一切法相。號法相宗。天親乃無著之弟。相繼其道。傳流于世。是爲無著天親宗。  
梵語觀史又云

梵率華言知足。梵語瑜伽華言相應。

二種比丘

出出曜經

昔二比丘在山中學。其一多聞。其一寡淺。寡淺者持戒誦經。唯通一句。日誦不輟。更無他學。天神贊善。願樂欲聞。多聞比丘見其神應。盡已所聞。高聲誦誦。欲求贊美。而神默然。怒其神曰。何厚於彼而

薄於我神曰汝不自責而反責我彼雖少聞言行

相顧汝雖能誦三藏行與經違故不稱善也梵語比丘

華言乞士三藏者一經藏二律藏三論藏一多聞比丘樂誦經典旁搜

唐記謂之多聞比丘多聞固為可稱然學雖有餘

其心不誠而行不逮亦不足貴此天神之所以不

贊獲也二寡淺比丘學道日淺經教少通謂之寡

淺比丘寡淺固未足稱然學雖未至其心則專而

行無雜亦為可貴此天神之所以贊護也

僧伽理事二和出翻譯名義

梵語僧伽華言和合眾謂與理和事和一理和謂二乘之人同斷見思之惑同證無為之理是名

理和二乘者聲聞乘緣覺乘也二事和事和有六義謂內凡外

凡之僧戒和同修見和同解身和同住利和同均

口和無諍意和同悅是名事和內凡者謂四善根位即暖頂忍世第

一也此位近於初果須陀洹聖位故名內凡外凡者謂五停心一多貪者修不淨觀二多瞋者修慈

悲觀三多散者修數息觀四愚癡者修因緣觀五多障者修念佛觀此位進修之始去聖位遠故名

外凡

二難化出大智度論



菩薩爲化衆生而於世間常作轉輪聖王多生欲  
界以天上著樂故難化也一欲天難化謂欲界諸  
天著於上妙五欲難以教化是名欲天難化五欲  
者色  
欲聲欲香欲  
味欲觸欲也二色天難化謂色界諸天多味著世  
間禪定之樂無厭惡心不求出離難以教化是名  
色天難化

二種健兒

出涅槃經  
并水懺

謂自不作惡既作而能懺悔更不復作乃是有力  
量人故名健兒一自不作罪謂此健兒身口意業

常自清淨永無過惡故名自不作罪二作已能悔  
謂此健兒雖先作惡後能改悔更不敢作猶如濁  
水置之明珠以珠力故水即爲清故名作已能悔

二人出佛身血

出大智  
度論

一調達推山得罪梵語調達華言天熱謂其生重  
惡心推山壓佛金剛力士爲護佛故以金剛杵反  
却擲之碎石迸來傷佛足指出血而得罪報二祇  
域行針得福梵語祇域華言故活謂佛有疾使祇  
域治之因行針出血疾得頓愈雖出佛血由治疾

故而得福報

二護

出涅槃經

一內護內即自己身心也。謂佛所制大小乘戒人若受持則能防護身口意業之非成就種智菩提之果。此禁戒所以為內護也。二外護外即族親眷屬也。謂人之修行須屏絕緣務。凡有所需衣服飲食湯藥之類必藉族親眷屬左右供給庶得身心安隱成辦道業。此族親眷屬所以為外護也。

二種布施

出大智度論

一淨施謂布施時不求世間名譽福利等報。但為出世善根及資助涅槃之因。以清淨心而行布施。故名淨施。梵語涅槃華言滅度二不淨施謂以妄心求於福報而行布施。如般若經云。或畏失財故施與。或恐訶罵故施與。或為求勢故施與。如是種種因緣與淨相違。是名不淨施。

二種施

出法界次第

一財施財施者謂以飲食衣服田宅珍寶等一切自己所有資身之具悉能施與它人也。二法施法

施者謂從諸佛及善知識或從經卷聞說世間出世間善法以清淨心為人演說也

二戒

出華嚴  
孔目

一性戒謂殺盜邪淫妄語此四性自是戒不待佛制人若持之即得福犯之即得罪是名性戒二遮戒遮即遮止謂飲酒多有過失能犯諸戒是故佛特遮止令不毀犯乃能守護餘之律儀是名遮戒

在家二戒

出毘婆沙論

一五戒謂不殺生不偷盜不邪淫不妄語不飲酒

此五戒是在家之人所持故名在家五戒二八戒謂五戒之後更加不坐高廣大牀不著花鬘纓絡不習歌舞戲樂此八戒亦是在家之人所持故名在家八戒

二種精進

出法界次第

一身精進謂身勤修善法晝夜行道禮誦講說勸助開化是名身精進勸助者獎勸贊助也開化者說法開導化度於人也二心精進謂心勤行善道心心相續無有間歇是名

心精進

二種忍辱 出大智度論

一非衆生數忍辱。謂菩薩若遇風寒冷熱水雨等無情之物惱害之時。安然忍受。初不瞋恚。是名非衆生數忍辱。二衆生數忍辱。謂菩薩若遇有情衆生加惡於我。亦能忍受。畧不瞋恨。是名衆生數忍辱。

二種懺悔 出補助儀并天台四教儀

梵語懺摩。華言悔過。華梵兼舉。故名懺悔。又懺名修來。悔名改往。謂修未來之善果。改已往之惡因。

也。一事懺悔。事即事儀。謂身則禮拜瞻敬。口則稱唱讚誦。意則存想聖容。三業殷勤。求哀懺悔。過去見在所作罪業。一依事儀。是名事懺悔。二理懺悔。理即理性。謂過現所作一切罪業。皆從心起。若了自心本性空寂。則一切罪相亦皆空寂。是名理懺悔。

二種福田 出大方廣佛報恩經

田以生長為義。謂人於應供養者而供養之。則能獲諸福報。如農服力田畝。而有秋成之利。故名福

田一有作福田謂於諸佛菩薩父母師長之所生  
恭敬心修諸供養不惟得福亦可成道若有冀望  
福報之心乃是有為而作故名有作福田二無作  
福田謂於諸佛菩薩父母師長之所生恭敬心修  
諸供養不惟得福亦可成道若無冀望福報之心  
乃是無為而作故名無作福田

二利

出金剛般若經取  
著不壞假名論

一自利謂於如來所說經典自能受持讀誦聽聞  
思惟如理修習成就勝果是名自利二利他謂能

以已所受之法展轉為人演說令其修習斷惑證  
果是名利他

二種見

出大智  
度論

此二種見即十使中之邊見也外道之人於身見  
上計我斷常執常非斷執斷非常隨執一邊故名

邊見

十使者一見二邊見三邪見四見取  
五戒取六貪七瞋八癡九慢十疑也

一常

見論云見五眾常即外道自謂色受想行識今世

雖滅未來復生相續不斷是名常見

五眾者即色  
受想行識五

也陰二斷見論云見五眾滅即外道自謂色受想行

識今世滅已更不再生是名斷見

二煩惱

出瑜伽師地論

一根本煩惱根本煩惱者即無明惑也謂此根本無明之惑能出生一切煩惱也二隨煩惱隨煩惱者即見思二惑也謂此見思二惑隨於一切違順境上起貪瞋癡等煩惱隨逐不捨也

見思二惑

出天台四教儀集註

惑迷惑也謂諸眾生於一切法不了自性本空妄生執著惑於正道流轉生死故名惑也又名二縛

由此惑業纏縛住著三界不能脫離也又名二結

結即縛之義也

三界者欲界色界無色界也

一見惑分別曰見

謂意根對法塵非理等度起諸邪見如外道計斷計常乃至有無等見是名見惑二思惑貪愛曰思謂眼耳鼻舌身五根對於色聲香味觸五塵貪愛染著迷而不覺是名思惑

客塵二義

出楞嚴經

一客義謂見思等惑皆由眾生不了外塵之境種種妄想而生若以智慧觀察惑體本空則法性理

顯惑亦何有。經云：不住名客，是名客義。二塵義謂微細之惑，而能染汙清淨真性，譬如牖隙光流，諸塵相現，亦能亂於虛空之性。若智慧發明了，惑本無，則空理現前，塵亦何有。經云：澄寂名空，搖動名塵，是名塵義。

二障

出楞嚴經義海并宗鏡錄

一煩惱障，謂昏煩之法，惱亂心神，不能顯發妙明真性，是名煩惱障。二所知障，所知障亦名智障，謂執所證之法，障蔽智慧之性，是名所知障。

二業

出俱舍論

一引業，謂若宿世善業引發生於人中，則得珍寶豐足，多受快樂。若由宿世惡業引發生於人中，則感貧窮困乏，受諸苦惱，是名引業。二滿業，謂由宿世修一善業，感一生中，大富多財，乘此更修衆善，展轉生官貴家，乃至圓滿究竟善果，是名滿業。若由宿世造一惡業，感一生中，貧窮苦惱，乘此更造衆惡，展轉生貧窮家，乃至圓滿極惡之果，是名滿業。

二種顛倒

出楞嚴經

一衆生顛倒謂衆生不明自性逐妄迷真隨順妄惑而造妄業由此妄業展轉相生輪轉三界不能返妄歸真故名衆生顛倒二世界顛倒世謂過去現在未來遷流爲世界謂東西南北四方分位爲界以世涉方故名世界顛倒者衆生迷失真性念念遷流住妄境界起諸倒見故名世界顛倒

二緣出楞伽經

一外緣謂衆生所依世界皆由妄想因緣而生譬如因泥團柱輪繩水等諸方便緣而有瓶生是名

外緣泥團柱輪繩水者謂世之陶匠作瓶以泥團爲坯以木爲輪柱以繩轉輪以水旋之方能成瓶二內緣謂衆生之身因無明愛業等緣出生

陰界入法是名內緣無明者無所明了也愛者於五陰謂色陰受陰想陰行陰識陰也界即十八界也業者由心不了遂動身口而作以爲業也陰即謂眼界色界眼識界耳界聲界耳識界鼻界香界鼻識界舌界味界舌識界身界觸界身識界意界法界意識界也入即十二入謂眼入耳入鼻入舌入身入意入色入聲入香入味入觸入法入也

二種有漏因果出大涅槃經

一有漏因漏即漏落生死也因者對果而言謂衆生由煩惱結業爲因而招三界生死苦果是則煩



惱結業名有漏因。即集諦也。三界者欲界色界無色界也。二有漏果。果即果報之義。謂衆生由有漏惑業為因而感生死之果。名有漏果。即苦諦也。

二報出華嚴經疏

一依報。依報亦名依果。即世界國土也。謂諸衆生各各隨其果報之身。依之而住。故名依報。二正報。正報亦名正果。即五陰之身也。謂諸衆生隨其所作善惡之業。各各感得此身。正受其報。故名正報。

五陰者色陰受陰想陰行陰識陰也。

世界二義

出楞嚴經

一世遷流義。世遷流者。謂過去現在未來三世遷流也。只如昨日是過去。今日是現在。明日是未來。如此遷移流動。無有間歇也。二界方位義。界方位者。謂東西南北。東南西南。東北西北。上下十方。各有定位。不相混亂也。

二世間

出翻譯名義

世。即隔別之義。間。即間差之義。故名世間。一衆生世間。謂一切有情衆生。皆假五陰和合。衆共而生。

名為衆生。又復各各差別不同。故名衆生。世間五陰者。色陰受陰想陰行陰識陰也。二器世間。謂一切無情世界。皆假山河大地而成。有側有仰。名之為器。又復各各差別不同。故名器世間。

二土

出宗鏡錄

一性土。謂法性之理。非穢非淨。非廣非狹。猶如虛空。徧一切處。是名性土。二相土。謂隨諸衆生心量所現。或淨或穢。或廣或狹。是以菩薩所見。無諸坑坎。衆寶莊嚴。衆生所見。荆棘瓦礫。穢惡充滿。是名

相土

二身

出唯識論

一分段身。分即分段。段即形段。謂三界內六道衆生所受之身。支形分段。長短巨細。各各不同。是名

分段身

三界者。欲界色界無色界也。六道者。天道人道阿脩羅道餓鬼道畜生道地獄道也。

二變易身。變即轉變。易即改易。謂二乘等雖出三界。尚受方便等土。法性之身。因移果易。是名變易

身

二乘者。聲聞乘緣覺乘也。

二種色

出宗鏡錄

一內色內色者謂眼識乃至意識是名內色又眼耳鼻舌身意名內色以其屬內身故二外色外色者謂眼根乃至身根是名外色又色聲香味觸五塵名外色以其屬外境故

二種色

出宗鏡錄

一顯色謂青黃赤白光影明暗雲煙塵霧等顯然可見是名顯色二形色謂長短方圓麤細高下正不正等形相可見是名形色

二食

出天台四教儀集註

一正命食謂出家之人常乞食自資色身清淨活命是名正命食二邪命食謂出家之人不依正命而食則有五種一為利養故現奇特相二為利養故自說功德三卜相吉凶為人說法四高聲現威令人畏敬五說所得供養以動人心是名邪命食

二邊

出中論

一有邊邊即邊際謂世間一切事物必假眾緣具足和合而生皆無自性雖無自性不得言無故名有邊二無邊謂世間一切事物既假眾緣具足和

合而生本無自性若無自性則一切法皆空不得  
言有故名無邊

三身

出金光明  
經玄義

身即聚集之義謂聚集諸法而成身也所謂理法

聚名法身智法聚名報身功德法聚名應身

理法  
聚名

法身者謂聚集法性之法而成此身也智法聚名  
報身者智即能契法性之智智與法性相合而成

此身也功德法聚名應身者由智契理聚集一  
切功德之法起用化他隨機應現而成此身也一

法身謂始從初住顯出法性之理乃至妙覺極果

理聚方圓是名法身

初住者即十住位中初之一  
住也妙覺者自覺覺他覺行

圓滿不可思議故名妙覺理聚方圓  
者妙覺所證法性之理方始圓滿也二報身謂始

從初住終至妙覺極果智聚方圓由智契理報得

此身故云報身三應身謂始從初住終至妙覺極

果功德法聚方圓故能隨機應現說種種法度諸

眾生故名應身

三身華梵

亦名三如來  
出法華文句

一法身毘盧遮那如來法名可軌諸佛軌之而得

成佛以法為身故名法身梵語毘盧遮那華言徧

一切處以真如平等性相常然身土無礙故也如

來者金剛經云無所從來亦無所去故名如來是也。二報身盧舍那如來修因感報名之為報。然有自報他報之別。自報即理智如如。他報即相好無盡。是名報身。梵語盧舍那華言淨滿。謂諸惑淨盡。衆德悉圓。又云光明徧照。謂內以智光照真法界。即自報外以身光照應大機。即他報如來者轉法身也。輪論云第一義諦名如正覺名來是也。第一義諦者謂中道之理無二無別也。三應身釋迦牟尼如來智與體冥能起大用隨機普現說法利生故名應身。梵語釋迦牟尼。

尼華言能仁寂默寂默故不住生死能仁故不住涅槃如來者成實論云乘如實道來成正覺是也。智與體冥者謂自報之智與法身之體冥合也。梵語涅槃華言滅度。

佛化身三出觀佛三昧海經

一大化身千丈大化身千丈者謂如來為應十地已前等諸菩薩演說妙法令其進修向於佛果故

化現千丈之身也。十地者歡喜地離垢地發光地

不動地善慧地二小化身丈六難勝地現前地遠行地小化身丈六者謂如

來為應二乘凡夫之人說於四諦等法令其捨妄

歸真而得開悟故化現丈六之身也

二乘者聲聞乘緣覺乘也

四諦者苦諦集諦滅諦道諦也

三隨類不定隨類不定者謂如來

誓願弘深慈悲普覆隨諸種類有感即應或現大身滿虛空中或現小身丈六八尺等也

### 三覺出翻譯名義

覺有三義謂自覺覺他覺行圓滿也唯妙覺果佛具足三覺故華嚴經云奇哉大導師自覺能覺他是也一自覺謂覺知過去未來現在三世一切諸法常無常等悟性真空了惑虛妄功成妙智道證

圓覺故名自覺二覺他謂運無緣慈度諸眾生皆

令離生死苦得涅槃樂故名覺他梵語涅槃華言滅度三覺

行圓滿謂三惑淨盡眾德悉備位登妙覺行滿果

圓故名覺行圓滿

三惑者見思惑塵沙惑無明惑也

佛行離地三意

出華嚴經隨疏演義鈔并佛說處處經

一地有蟲謂一切地上皆有諸蟲或伏或走佛以護生之心恐傷其命故行時足不至地鈔云世尊履地去地四指是也二地有生草謂一切地上有草依之生長佛欲全其生意故行時足不至地也

三現神通力。謂佛現神通之力。飛行自在。履空如地。故行時。足不至地也。

如來乞食三意

出法集經

一不貪珍味。美惡均等。謂如來乞食。入諸聚落。隨施所得。不貪珍味。若美若惡。而無分別。是名不貪珍味。美惡均等。二為破我慢。貴賤同遊。謂如來乞食。為破我慢。自高於富貴貧賤等家。皆無揀擇。是名破我慢。貴賤同遊。三慈悲平等。大作利益。謂如來無有饑渴羸損瘦乏等苦。為衆生故。以平等慈

佛三事入城

出金剛經疏

悲現行乞食。廣作利益。是名慈悲平等。大作利益。

一為女人入城。謂一切女人。女子。皆為父母及夫

主所拘。不得輒自出入。思仰如來。無由得見。是故

如來入城。令彼女人。皆得瞻敬。觀佛三昧海經云。

若能暫見如來。相好光明。除六十劫生死之罪。獲

無量福。未來生處。必見彌勒。

梵語彌勒華言慈氏

二為病人

入城。謂如來於病人所。常興救濟之心。令其離苦得樂。是故入城乞食之時。凡有痛苦者。因得瞻視

令其病差發菩提心三欲令人見相好入城謂如  
來福慧莊嚴具足三十二相八十種好微妙難思  
人得瞻仰則罪滅福生是故入城令人普見

者足安平相千輻輪相手指纖長相手足柔軟相  
手足縵網相足跟滿足相足跌高好相瑞如鹿王  
相手過膝相馬陰藏相身縱廣相毛孔生青色相  
身毛上靡相身金色相身光面各一丈相皮膚細  
滑相七處平滿相兩腋滿相身如師子相身端直  
相肩圓滿相四十齒相齒白齊密相四牙白淨相  
頰車如師子相如金津液得上味相廣長舌相梵  
音深遠相眼色如金精相眼睫如牛王相眉間白  
毫相頂肉髻成相也八十種好一指爪狹長二手  
足指圓三手足各等無差四手足圓滿五筋脉盤  
結六兩踝深隱七行步正直八行步威容齊整九  
行步安平十行步有儀十一回身顧視十二支節

殊勝十三骨節交結十四膝輪圓滿十五隱處妙  
好十六身支潤滑十七身容敦肅十八身支堅固  
十九身支安定二十身相端嚴二十一身有圓光  
妙相二十五肌膚勻淨二十六手掌充滿二十七  
手文深長二十八脣色紅潤二十九面門圓滿三十  
十舌相長廣三十一發聲威震三十二音韻美妙  
三十三鼻高修直三十四諸齒方整三十五諸牙  
明潔三十六目廣清淨三十七眼相修廣三十八  
眼睫齊整三十九雙眉修長四十雙眉綺靡四十  
一雙眉高朗四十二耳厚脩長四十三兩耳相好  
四十四容儀端麗四十五額廣圓滿四十六身分  
殊勝四十七首髮修長四十八首髮香潔四十九  
首髮齊整五十首髮堅固五十一首髮光滑五十二  
二身分堅實五十三身體莊嚴五十四諸竅清淨  
五十五身力充美五十六身相嚴好五十七面輪  
脩廣五十八顏貌舒泰五十九面顏光澤六十身  
支嚴淨六十一毛孔出香六十二面門出香六十



三首相妙好六十四身毛纖柔六十五法音圓辯  
六十六頂相高妙六十七指網分明六十八行不  
履地和雅七十九神力自持七十威德遠震七十一音  
聲和雅七十二觀機說法七十三一音演說七十四  
四次第說法七十五等觀有情七十六先觀後作  
七十七相好具足七十八頂骨堅實七十九顏容  
奇妙八十  
骨臆妙好

佛三不能出景德傳燈錄

一不能免定業不能免定業者謂佛能空一切相

斷一切眾生之惡而不能自免定業也定業者決定之業即

木槍馬麥二不能度無緣不能度無緣者謂佛能

化導一切眾生而不能度無緣之人也三不能盡

生界不能盡生界者謂佛能度世間一切眾生而不能令眾生界盡也

佛三語出華嚴經隨疏演義鈔

一隨自意語謂佛隨順自意說自所證一實等法

故名隨自意語二隨他意語謂佛一向隨順他機

之意說於方便之法導引眾生故名隨他意語三

隨自他意語謂佛為眾生說法半隨自證之意半

隨他機之意名隨自他意語

三處不轉法輪

一我慢高山謂外道之人多起邪見我慢貢高如山峻聳雖聞正法非惟不信復有謗法之過招其惡報是故不為轉法輪也二五欲淤泥謂諸凡夫貪著色聲香味觸五欲之境沉溺污穢如在淤泥自非身心清淨則不能受法是故不為轉法輪也三邪見稠林謂外道凡夫執種種見有如稠林茂密而於正法不能信受是故不為轉法輪也

三輪

出金光明經文句

輪即車輪有推碾之用以譬如來身業現通口業

說法意業鑑機而能推碾衆生煩惱惑業是故名爲三輪也一身輪身輪亦名神通輪謂佛說法必先現神通警動衆生機情令生正信也二口輪口輪亦名正教輪謂佛所說之法無不爲令衆生翻邪歸正依教修行也三意輪意輪亦名記心輪謂佛說法先以意輪鑑知衆生根器利鈍隨宜演說無有差謬也

佛三密

出大智度論

密即秘密謂如來身口意三業或現通或說法或

思惟皆非諸菩薩等之所思議故名三密。一身密  
謂如來處大會中衆見佛身或黃金色或白銀色  
或雜寶色或長丈六或長一里十里乃至現大神  
變皆不可思議故名身密。二語密語密即口密也  
謂佛說法之時或一里外聞佛音聲或十里或百  
千萬里外聞佛音聲又一會中或聞說布施或聞  
說持戒等各各隨心所聞皆不可思議故名語密  
三意密謂佛常處寂定凡所思惟觀察皆不可思  
議故名意密

